

Na osnovu člana 24. Statuta Općine Hadžići ( „Službene novine Kantona Sarajevo“, broj 15/09, 17/12, 10/13, 14/13 – ispravka, 11/18 i 1/20) i člana 15. Odluke o izvršavanju Budžeta Općine Hadžići za 2020. godinu, broj: 01-01-2-9214/2019 od 26.12.2019. godine, Općinsko vijeće Hadžići, na 33. sjednici održanoj dana 27.02.2020. godine,  
d o n o s i

**O D L U K U**  
**O KRITERIJIMA ZA RASPODJELU SREDSTAVA IZ BUDŽETA OPĆINE**  
**HADŽIĆI ZA 2020. GODINU - PODRŠKA POLJOPRIVREDI -**

Član 1.

Ovom Odlukom utvđuju se kriteriji za raspodjelu sredstava iz Budžeta Općine Hadžići za 2020. godinu - podrška poljoprivredi.

Član 2.

Sredstva iz člana 1. ove Odluke raspoređuju se za sljedeće namjene:

1. nabavka nove poljoprivredne mehanizacije i odgovarajućih priključaka,
  - opreme za mljekarstvo,
  - opreme za pčelarstvo (izuzev nabavke košnica),
2. sufinansiranje projekta nabavke platenika,
3. finansiranje promotivnih aktivnosti i ostalih vidova podrške u oblasti poljoprivrede.
4. sufinansiranje drugih projekata iz oblasti poljoprivrede,

Raspodjela sredstava vršit će se u skladu sa raspoloživim sredstvima, a najviše do iznosa planiranog Budžetom Općine Hadžići za 2020. godinu za podršku poljoprivredi.

Član 3.

Sredstva iz člana 2. tačka 4. sufinansiranje projekata iz oblasti poljoprivrede dodjeljivat će se na osnovu Javnog poziva koji će se objaviti na oglasnoj ploči Općine Hadžići i na službenoj web. stranici općine.

Član 4.

Za raspodjelu i praćenje utroška sredstava iz člana 2. ove odluke Općinski načelnik imenuje komisiju od 3 (tri) člana.

## Član 5.

Uslov za ostvarivanje novčanih sredstava za podršku poljoprivredi je da poljoprivredni proizvođač ima mjesto prebivališta u Općini Hadžići.

## Član 6.

Za nabavku nove poljoprivredne mehanizacije i odgovarajućih priključaka, opreme za mljekarstvo i opreme za pčelarstvo (izuzev nabavke košnica), dodjeljivat će se sredstva u iznosu od 20% od vrijednosti nabavljene mehanizacije i opreme, a nabavka novih plastenika površine 100 m<sup>2</sup> i više dodjeljivat će se sredstva u iznosu od 50% od vrijednosti plastenika.

Za dodjelu sredstava korisnik je dužan podnijeti zahtjev na propisanom obrazcu i priložiti:

1. potvrdu o upisu u Registar poljoprivrednih gazdinstava i Registar klijenata,
2. ovjerenu kopiju računa na ime podnosioca zahtjeva sa fiskalnim računom o kupovini poljoprivredne mehanizacije ili priključaka, opreme za mljekarstvo, opreme za pčelarstvo i plastenika,
3. ovjerenu kopiju saobraćajne dozvole za mehanizaciju koja podliježe registraciji,
4. dokaz o posjedovanju odgovarajućeg zemljišta za postavljanje plastenika.

## Član 7.

Sufinansiranje projekata iz oblasti poljoprivrede vršit će se u skladu sa uslovima projekta.

## Član 8.

Finansiranje promotivnih aktivnosti i ostalih vidova podrške iz oblasti poljoprivredne proizvodnje, vršit će se u skladu sa raspoloživim sredstvima, a na prijedlog Komisije ili nadležne službe.

## Član 9.

Za svaki potpun i blagovremeno podnesen zahtjev za ostvarivanje prava na novčana sredstva, imenovana komisija je dužna na licu mjesta utvrditi činjenično stanje i sačiniti zapisnik. Služba za privredu, finansije i inspekcijski nadzor će nakon provedenog postupka o provjeri ispunjavanja uslova kandidata donijeti zaključak o isplati sredstava.

Ukoliko se utvrdi da su odobrena sredstva utrošena nenamjenski ili se utvrde druge nepravilnosti nadležna služba će donijeti rješenje o povratu sredstava u roku 30 dana od dana pravosnažnosti rješenja.

Novi zahtjev za ostvarenje prava na novčana sredstva iz stava 2. ovog člana poljoprivredni proizvođač može podnijeti nakon 3 (tri) godine od dana povrata novčanih sredstava.

#### Član 10.

Odluka o kriterijima za raspodjelu sredstava iz Budžeta Općine Hadžići za 2020. godinu – podrška poljoprivredi stupa na snagu danom donošenja i bit će objavljena na oglasnoj ploči i web stranici Općine Hadžići.

Broj: 01-02-1744/2020  
Hadžići, 27.02.2020.

Predsjedavajući  
Općinskog vijeća Hadžići

Kalem Adi